

四庫全書

集部

欽定四庫全書

此山詩集卷七

元 周權 撰

七言律詩

金山妙高臺

妙高臺上金為界，不二門中鍊作關。
萬古雲根擎梵剎，六朝山色入僧闌。
浮沈世事風濤外，突兀樓臺宇宙間。
往古興亡多少恨，夕陽送盡暮鐘寒。

秋霽

梧雨聲乾爽籟生年華流水鬢星星夜涵露氣漫漫白
秋入山光楚楚青歌樹帶蟬侵竹座斷雲和鴈落蘆汀
酒醒誰鼓松風操炷罷爐薰洗耳聽

次韻村居秋日

瓜芋芄芄綠滿疇村居客意樂深幽白雲僧屋開孤嶂
疎竹人家帶淺流半榻清燈初耿夜一聲長笛欲橫秋
何時歸把滄洲釣已軟閒盟向白鷗

贈松崖道士

名山歷遍氣飄浮，面帶風霜雪滿頭。
碧澗寒通丹井曙，青松影落石壇秋。
布袍洗藥香猶濕，砂釜藏茶火自留。
笑問閭風何處是，追遊還許借青牛。

春初宿湖山精舍次雲崖道士韻

竹床紙閣淨無塵，僧芋蘭邊偶共分。
爐火夜紅松節耐，渚波春綠荻芽新。
林深瀑潤全疑雨，日落山寒半是雲。
相對不知身是客，了然房瑣悟前因。

西郊

松深翠氣薄吟衣曲徑盤盤護槿籬野碓春泉分澗急
山鐘送曙出雲遲人家綠艾端陽節天氣黃梅細雨時
刈麥揀秧農事足西郊生意綠無涯

挽徐松軒

漫說顏童骨可仙養生至理亦難言世情誰慟西州路
座客空懷北海樽花落鶻啼江樹碧松深鶴怨嶺雲昏
可憐曠代風流盡獨酌南薰一斷魂

金陵懷古

繁華富貴逐風飈，玉樹酣歌似昨朝。
千載英雄總丘隴，六朝興廢付漁樵。
花空紫禁人烟合，路斷金根王氣銷。
舊事已隨流水遠，澄江夜夜自平潮。

暮春

綠樹亭亭午蔭遲，倦遊情思不成詩。
落花春晚客中酒，啼鳥日長人正棋。
盤篆香銷空院寂，鞦韆影閣畫闌欹。
閒邊頗適觀魚興，飛絮風萍約半池。

邨行

風落漁歌隔浦聞
前邨獨樹正斜曛
誰家桃李迷荒棘
高隴牛羊卧古墳
橋斷春隄多積雨
溪深野碓自春雲
青旗摇曳疎林處
剩把閒題與客分

病起

坐學跏趺念已輕
偶親藥裏識參苓
半年多病頭應白
萬事無心夢轉清
剩有農談來野老
已無官況忤山靈
不嫌葛帶頻移眼
得似梅花太瘦生

次韻甘露寺

神人高處卓雲根，龍脊橫空勢欲奔。
江上青山幾今古，簷前白日自朝昏。
僧依泉石心逾遠，蜃吐樓臺氣不吞。
搔首長懷烟樹表，數聲漁笛欲銷魂。

挽徐克謙教授

富貴鶯花舊雪川，當時曾識米家船。
十年菊負淵明酒，半世芹香鄭老壇。
月落淮雲沈斷鴈，夜寒楚雨怨芳荃。
些歌空疊西風裏，誰為孤桐續斷絃。

張氏新居

小雨東風拂袂寒
神仙華屋畫圖間
茶香入座午烟歇
花影壓簾春晝閒
翠竹白沙泉細細
朱闌綠樹鳥關關
客來一笑推碁局
坐占溪南十里山

贈雲趣道人

玉笙聲斷海風寒
曾訪丹丘覓大還
萬里蓬瀛黃鶴晚
十年雲水白鷗閒
花開把酒吟消日
茶罷攜琴坐看山
笑殺紅塵吹客夢
神仙元只在人間

次韻和靖墓

斷碣難磨照世名當年馬鬣野雲平
飄浮鶴夢橫空冷慘淡梅魂繞樹清
雪後園林誰獨步夜深水月定同盟
我來俯仰湖光裏一盞寒泉薦落英

次韻雲山上人

綠竹數椽茅一把生涯流水意逍遙
當堦蒼石平為磴跨澗危槎卧作橋
芳术旋收同茗煮落花閒入和香燒
月明露冷青松夜野鶴翩翩不可招

秋日

石脉泉花蘸眼明
竹根沙路舊經行
雲歸天際山容淡
日落江頭鴈影橫
梧葉庭除秋漸老
豆花籬落晚初晴
客行迢遞歸心遠
烟火蒼茫起暮城

次韻陳伯和

溪曲扁舟載鶴歸
客來談笑有餘師
共傾鄭老燈前酒
細和坡翁海上詩
雪後生涯黃菊長
年來心事白鷗知
文章千載傳宗印
毋惜玄機露一絲

次韻友人求狸奴

裹鹽覓得烏圓小鼠穴俱空堵室安閒藉花陰眠晝暖
時親蒲座伴更闌多年不厭無魚食數子新添減鶴餐
分送故人應好去慎防書架莫辭難

次韻閒居

鍾鼎山林有命存遊心物外已忘言希夷太華烟霞室
處士孤山水月邨齷齪可憐雞舞甕昂昂未羨鶴乘軒
不須對客談餘事笑領琴歌竹下樽

次韻秋望

暮鴉歸處斷霞明搔首風前萬里情
烟抹山光翠屏冷
水涵天影玉壺清蟲鳴莎徑宵初永
鴈落蘆汀月未生
何事數聲江上笛吹將離恨滿孤城

江村夜泊

山擁孤城枕大江數間草閣寄吟床
月籠沙磧當牕白
風撼潮聲拍枕涼黃葉蕭蕭人不寐
青燈耿耿夜初長
雲深老雁歸何日腸斷蒹葭水一方

張氏閒居

昂藏老鶴守書堂更有閒雲護短牆
眼底何年看突兀人生隨處且相羊
嵐蒸暖翠侵幃潤風約飛花入座香
不管鶯簧喧客夢樹陰佳處借繩床

次韻友人

人向青雲聽足音如何投策向山林
桃花飛處曉溪急燕子歸時春雨深
百歲閒愁消醪醕一襟古意托瑤琴
相逢我自憐顚顚莫把清辭作楚吟

晚春

輕車繁吹尚紛紛
袞袞香浮紫陌塵
杜宇青山三月暮
桃花流水一溪雲
東風旗旆亭中酒
小雨闌干柳外人
何許數聲牛背笛
天涯芳草正斜曛

訪陳子高德星堂

短策青衫借晚涼
偶來談笑德星堂
竹深四壁生虛籟
山近半邨無夕陽
池折泉聲歸座爽
松蒸雲氣濕衣香
蕭然門巷無輪鞅
隱几觀書味更長

次韻孟韶卿

知道龐公不出山，客來訪鶴借山看。
海棠開盡雨方歇，燕子來遲春尚寒。
一塢烟霞隨步履，千峯紫翠入憑闌。
掉頭巢父成何事，漫向珊瑚拂釣竿。

送友東歸

東華厭逐軟紅塵，一見潘郎興味真。
落落孤松霄壑志，昂昂野鶴水雲身。
關山客夢三更月，驛路梅花十里春。
誰唱渭城朝雨曲，座中愁絕未歸人。

次韻元日

堯厯新開五鳳雲浩然不盡化生仁十年未覺江湖夢
一氣又回天地春香老梅花逾蘊藉青歸山色漸精神
東風先掃溪南柳萬縷鵲黃看得勻

郊行

瘦藤扶我陟層岡遠塔招人到上方躋勝喜隨雙足健
幽尋翻得一肩忙春生澗壑蒸雲暖露滴松杉染袖香
景物牽詩吟不了水聲山色意偏長

次韻山齋

娟娟萬竹照清溪約住閒雲作伴棲鄰曲樵人曾結社
樽前詩客偶分題東風一樹棠梨老落日千山謝豹啼
閒向靜中叅物化人間岐路任東西

挽劉聲翁

獨懷經濟負雄姿緩帶輕裘鬢欲絲揮麈清談驚四座
登樓高卧視羣兒結廬郭外看山近留月樽前宴客遲
已矣九原呼不起為研松露寫哀辭

九日

座上風流憶孟嘉
憑高目斷楚天涯
百年歲月催蓬鬢
十載江湖負菊花
小雨釀寒侵白苧
西風憐醉避烏紗
閒攜椰栗吟歸路
流水殘雲帶晚霞

雨後觀荷

雲斂湖天玉界明
洗粧擁出萬娉婷
水光潑眼晴方好
花氣撩人遠益清
夜月闌干人不寐
晚風襟袖酒微醒
女郎急漿歸何處
隔浦時聞語笑聲

次韻友人

司馬山川憶壯遊，匣中劍氣尚橫秋。
懷人空有春天樹，乘興都無雪夜舟。
年少文章慕西漢，風流人物擅南州。
縛麟老手今無幾，不數當年趙倚樓。

毘陵城東

數家烟火自成鄰，寂寞荒祠野水濱。
壞屋有基餘瓦礫，古墳無主自荆榛。
暄風綠樹鶯聲老，曉雨青郊虎迹新。
四月三山山下路，野田猶殿菜花春。

茶蘼和韻

東風架上剪青瑤
小院陰陰閱閨寥
白鳳聯翩翻露彩
翠蚪夭矯駕烟條
坐來芳蔭吟逾好
嗅盡清香醉已消
見說唐宮寒食宴
借渠風味酒中飄

謝惠桂花賦

清夢曾遊白帝鄉
手揮雲漢酌天漿
文經五緯星辰粲
筆染三秋風露香
暫謫塵寰隱叢桂
好排閭闔賦長楊
偶來訪我山雲裏
落袖驪珠照夜光

挽袁伯長學士詩稿曾蒙題跋

賓客如雲藹縉紳紫霄高處掌絲綸曾留東閣觀奇士
幾為北門思老臣自愧俚謠無律呂豈期長物入陶鈞
十年不下梁松拜回首俄驚宰樹春

文采風流白玉堂華星雲漢麗寒芒春袍晝日明宮錦
曉佩天風冷水蒼玉筍班中人遽遠金花牋上墨猶香
登龍舊日侯門客來奠梅花欲斷腸

信題

虎頭食肉渾無分閒隱白雲幽桂叢歲月催人成老大
江山遺恨幾英雄平生心事琴三疊末路人情酒一鍾
挂頰西山成久坐更無塵可污西風

此山詩集卷七

欽定四庫全書

此山詩集卷八

元 周權 撰

七言律詩

對雪

凍合江雲禁曉烏重裘添盡客寒多扁舟剡曲誰清興
斗酒新豐自浩歌天地一壺開玉界沙萬斛落銀河
醉敲冰硯題新句無奈坡翁白戰何

代友人賦挽章二首

籍籍家聲說大馮凜然高誼動諸公
風神爽秀壺冰炯肝膽輪囷劍氣雄
九曲溪深仙夢杳三生石冷俗緣空
靈輶千里歸何暮些斷招魂落鴈風

逸氣英英湖海傑眼中餘子邈難儔
非同龐蘊攜家隱要挾盧敖舉臂遊
遊鶴帳夢寒蒼嶺月虹橋宴罷幔亭秋
西軒空有高吟地舊竹蕭蕭起暮愁

次韻呂菊趣

腰間劍氣欲凌雲，合是青雲向上人。
瓊液吸空杯底月，金釵歌動座間春。
味同霜菊香逾晚，墨捲秋濤筆有神。
別後悠悠江漢隔，因風每憶寄書頻。

次韻全可竹

一元妙化不停樞，和氣陶陶逐物初。
鳩雨欲晴桑葉晚，燕泥新濕杏花餘。
偶攜野客看雲坐，閒擬春題就竹書。
新漲拍闌風日淨，溶溶綠護階除。

同褚思古夜飲

十年契濶感飄零剪燭西牕故舊情海上飛鵬風萬里
雲邊鳴鴈月三更駐顏未試青精飯皤白先叨玉糝羹
別後酒徒星散盡梅花猶自歲寒盟

多景樓

北固峯高翠色浮斷崖千尺障東流誰言宇宙無多景
今見江山第一樓雲氣曉寒簷泊雨濤聲夜落海門秋
客來莫問孫劉事很石苔深萬古愁

淮海

浩浩長河涉要津地連吳楚勢雄分夕陽一望連荒草
昔日幾番吹戰塵夜靜樓烏驚野月高風寒鴈落空雲
年登巷陌家家酒魚蟹堆盤況味真

京都

水入金河灑玉虹填街車馬擁塵紅九重天近風雲壯
萬雉城高鼓角雄花底催朝冠佩列酒邊聽曲綺羅叢
太平光景春臺樂物物薰陶聖化中

闕下遙瞻

乾坤瑞氣藹燕山天仗初開虎豹關金爵觚稜銀漢表
玉堦平城綵雲間紫泥香暖春宣詔清蹕聲寒曉趣班
千載明良今慶會喜看新雨滌塵寰

二

劍佩聲磨九軌衢歡傳虎拜聽嵩呼一天雨露流春澤
萬古山河壯地圖造化機緘新宇宙太平氣象又唐虞
丹心一寸葵傾處夜夜泰階明六符

三

穆穆皇風世道淳
吾君斂福錫斯民
六龍日煥彤墀曉
五鳳雲深紫禁春
洞達遐荒無異俗
癘疢疾痛視同仁
野人親覩朝綱整
可是乾坤氣象新

看鏡

年華暗逐水東流
試拂青銅滿袖秋
病髮易凋成種種
壯心不競付休休
風霜道路知添老
烟雨關山不奈愁
何日賦歸林下去
一樽聊與慰蕭颯

次韻子昂學士人日立春趙詩今年人日與春并

人得春來喜氣迎宮柳風微金縷重御溝冰泮
玉鱗生陰消漸覺餘寒散陽長爭看曉日明霜
鬢綵旂渾不稱強裁新句慰羈情

人日今年樂事并新春只遣鬢旂迎一元塊北新調燮
萬物洪纖總發生早有東風消臘凍漸舒昕日作晴明
玉堂人醉梅花底門帖新題羈宦情

憫忠閣

危梯飛構上雲端氣象雄深勢屹蟠萬里乾坤雙望眼

千年城郭一憑闌
銷磨丹雘風霜老
凌厲青冥星斗寒
日暮無窮懷古意
殘碑字字拂苔看

次前韻

萬法絲毫露一端
屹然龍象起飛蟠
佛超大地三千界
人立中天十二闌
香火道場傳世久
虛空潮梵落雲寒
我來振袂西風表
已作五臺臺上看

徐可翁總管

枯山咫尺不相逢
萬里飄零始識公
江表一麾頭欲雪

床頭孤劒氣如虹分忘貴賤襟期古論到行藏意趣同
多謝過從情戀戀為憐逆旅困新豐

有懷

鼎食難登苜蓿盤鹽滋味笑儒酸白雲望斷親闈遠
紅葉吟殘客路寒心事蹉跎忙裏過人情翻覆靜中看
何如歸去蒼山下閒聽松風煮月團

次韻孫子野

山川已入史遷筆鄉里還從馬少游萬里乾坤雙短鬢

五湖風月一扁舟飄零末路誰青眼歸去滄洲愧白鷗
有地可耕書可讀吾生此外復何求

次韻羅濟之

浪說騎鯨汗漫遊客寒未辦鷓鴣裘征鴻影裏三更月
落木聲中萬里秋高下樓臺歌吹海往來冠蓋帝王州
觀光要適平生志莫嘆周南久滯留

懷歸

攜琴兩載泊京華饋鯉無人鴈不過客路重陽歸未得

金史紀事本末 卷八
吾廬三徑近如何白雲日望關心久明月天涯歸夢多
寄語此山堂下鶴一竿分合老漁蓑

岱嶽

嶢嶢拔地老危峯不許龜蒙聳大東半夜赤光低海日
九霄寒翠落天風盪磨雲氣風雷近鎮壓坤維氣勢雄
可恠客帆留不住瓣香無路謁雲宮

次韻吳子善講學來雲僧舍

筆耕還有硯為田分得雲僧半榻眠徇道不妨貧是病

忘言自愛默成禪
文章信手窺天巧
塗抹何心取世妍
坐聽松風絃大雅
逍遙應復夢釣天

次韻閒居

納納乾坤付一杯
窮通賦分信悠哉
冰霜氣味甘餐栢
鐵石心腸可賦梅
自足一丘閒寄傲
怕荒三徑早歸來
懷人幾動山陰興
夜雪扁舟興盡回

次韻姜潛夫釣臺

誤煩聘使下青雲
天上歸來只故人
自分終身隱丘壑

何心橫足動星辰高風尚激嚴灘水老樹相傳漢代春
身為東都倡名節雲臺事業付功臣

和韻

世途處處馬牛風時命雖仇道未窮半世生涯如沫奈
十年蹤跡等飄蓬周南留滯情雖惡薊北登臨氣自雄
雪點吟髭塵撲面且歸伸足卧山中

劉北山

匆匆聚散若搏沙感舊交遊兩鬢華明月停杯謫仙酒

碧雲浮盃玉川茶人於罕會襟期厚詩寫幽情趣味嘉
別後北山堂下桂秋風黃雪幾番花

賀歐陽公除翰林學士

除書飛下五雲端光煥蓬萊紫氣間照世聲名山岳重
絕塵襟度雪霜寒玉堂書永紉書好紫硯春濃草詔閒
人覲清光天咫尺又分蓮燭下金鑾

呈陳衆仲助教

園橋詞翰妙無窮快寫平生磊落胸下榻清風延孺子

高樓豪氣卧元龍
關山夢隔雲千里
雨露恩流天九重
又佩江南文印去
秋紅一路正芙蓉

葉敬常賢良

談笑青雲激壯懷
決科射策尚徘徊
超超麾電鞭霆手
落落昂霄聳壑材
簷雨青燈官舍酒
鄉心明月故園梅
快哉此去魁多士
萬里驂騑道路開

謝歐陽學士

曾灑驪珠被短編
七襄欲報邈天孫
空懷春草池塘夢

莫寫梅花水月魂
臺閣文章端典雅
山林氣質借清溫
牀頭萍綠多矜色
長價還從薛卞門

黃致和提點回自上京

凌厲剛風笑傲間
興豪不管紫笙寒
獨飛明月丹霞佩
遙赴清都玉殿班
虛室春和融二景
蒼精霜氣薄三韓
歸來羨爾清溪鶴
猶帶閒雲守洞關

晚春

花事怱怱彈指頃
人家寒食雨晴天
香浮夜月梨團雪

綠染春風柳，罨烟涉世百年真。
逆旅忘機萬事即安禪。
獨憐顚顚江湖客，猶記風流掉酒船。

次韻令尹解官歸九江

滿眼山河落木秋，遠遊時復賦登樓。
解官彭澤如元亮，呼酒新豐似馬周。
歲月駸尋人易老，乾坤浩蕩水空流。
輸君已了公家事，卧對廬山雪滿頭。

金焦兩山

海瞰紅處謁仙山，不管剛風客棹寒。
一鑑寒光開玉匣，

兩螺青黛落銀盤
天低塔影攙雲聳
地窄鐘聲度水寬
羨殺禪心如止水
任教四面自波瀾

呈馬伯庸御史中丞

振岳威聲聳多冠
袖中直筆佞難干
玉壺冰照一襟炯
白簡霜飛六月寒
諤諤清風揚海內
稜稜勁節著雲端
絕憐白首南州士
山斗彌高獨仰韓

次韻陳伯和

滿襟風雪抱琴歸
妙論如逢易九師
東閣觀梅一樽酒

西窗剪燭十年詩江湖汗漫心猶在歲月崢嶸鬢已知
閒說少年都似夢醉揮白筆寫烏絲

次韻陳可道

清談灑灑許文休袖有驪珠莫暗投一味可人麪居士
半生取友石鄉侯無邊風月歸吟嘯有好溪山即釣遊
目送孤雲絃綠綺落花風絮興悠悠

挽潘舉翁

曾坐春風醉巨羅風流談麈聽懸河稜稜氣節生難敵

籍籍聲名死不磨
洛社衣冠知有幾
襄陽耆舊惜無多
可堪執紼溪前路
烟雨淒淒聽薤歌

嬾菴講主得九江餅茶鄧同知分餉其半汲泉試之因次韻

解組歸來萬事輕
日長門巷淡無營
團香小餅分僧供
折足寒鐺對客烹
色卷空雲春雪湧
影沈江月夜潮生
一甌洗却紅塵夢
坐愛風前晚笛橫

夜泊僧廬

孤城燈火已蕭然，獨鶴猶歸破遠烟。
鐘鼓聲沈沙外月，樓臺影浸水中天。
寒聲有意侵僧榻，俗夢無由到客氊。
笑我久乖松下約，夜涼歸興轉淒然。

此山詩集卷八

欽定四庫全書

此山詩集卷九

元 周權 撰

五言絕句

次韻僧惠茶

閒樽酌溪淥秋興何蕭騷重哦惠休句目送吳鴻高

悼白石道士馮鶴嶼

白石長碧苔閒庭落珠蕊老鶴去不還空山自流水

雜興

泉花濕堦雲篆烟寒瓦鼎柴門閒樹陰坐玩清晝永
閉門屏來轍枕書睡初熟覺來淡無棕看遍堦南竹
流水數家邨青山白雲塢春晚落紅深夜寒溪上雨
涼蟾淨如洗酒醒夜初寂山簷宿雨多空堦響餘滴
枯藤墜晚花竹外溪光滿山僧出幾時石上雲猶暖
酸風侵短褐野路迂澗南薄暮欲飛雪梅香點歸驂
晨光爛烏几博山穗烟碧山童汲泉花來作硯蟾滴

倦迹無造請卜居翠微深幽意素所愜泉聲隔空林
蹇童引羸驂路入蒼巘去深處有人家雞鳴白雲樹
暮霰襲吟袍夜火然枯竹益然坐春和爐香芋初熟
看松坐危石淪茗爨枯籜振衣下山去白雲滿幽壑
西陽轉林腰水木愈清麗歸雲不肯棲浩蕩弄山翠
野芳韻幽襟暄景逗春意僧居白雲深清磬出林際

此山詩集卷九

欽定四庫全書

此山詩集卷十

元 周權 撰

七言絕句

客至

閒攜雪瀑煮春茶
多病無錢送酒家
怪底今朝來好客
青燈開徹夜來花

題松

桑樹雞鳴坎吠蛙
午烟隔水幾人家
青松將謂專霜雪
春到山中亦有花

掃徑

剝啄無人晝掩門
庭花春晚雪紛紛
山童不解山翁意
掃破蒼苔一徑雲

溪上

薄雲殘雨曉天晴
暖翠浮嵐入袂青
岸閣漁舟人不見
桃花深處水泠泠

晚眺

閃閃歸鴉過別林
斜陽流水意沈沈
數聲樵笛人何處
一路寒山晚翠深

立春

宴罷春盤轉曉風
乾坤生意浩無窮
宿雲新卷山前雨
元氣淋漓萬木中

雪霽

寒侵竹屋瓦燈青
獨據枯梧興似僧
落月推窗看殘雪

梅花半樹一溪水

漁翁

鶴髮崢嶸兩鬢絲
白鷗相近久忘機
綠蓑帶雨不垂釣
閒掃秋雲坐石磯

轉棹收緡日未西
短篷斜閣斷沙低
賣魚買酒歸來晚
風颭蘆花雪滿溪

晚望

帖帖平疇稻未黃
疎烟老樹帶秋光
山鐘敲斷前村雨

一兩歸鴉背夕陽

寫梅花賦

竹屋青燈夜寂寥十年江海鬢蕭蕭興來寫盡梅花賦
月在寒梢雪未消

讀騷

靈均忠憤不能平寫盡芳蘭杜若情底事楚烟湘雨外
梅花不肯與騷盟

首陽

採擷芳甘豈療饑首陽千古怨斜暉至今山下冰霜冷
不見春風長蔽薇

元日

東風收雪曙光開春意濃浮栢葉杯晴日滿簾賓客散
寒暄先問隔年梅

攜琴

半生湖海鬢星星歸卧山林抱一經起向梅花寫岑寂
琴心三疊水泠泠

西軒

幽夢初圓晝景長
黃鸝聲歇燕飛忙
西軒過雨春雲合
綠氣濃薰筆硯香

信題

已識浮雲似世情
歲寒老硯是心朋
平生不貸監河粟
自擷香芹煮澗冰

雪後

野梅香暖雪初晴
客子離居意似僧
欲策陳玄供醉帖

硯寒猶帶夜來冰

立秋日晚坐

山雲漠漠樹蒼蒼
風薦池荷滿意香
獨據繩床眠未得
一簷風雨夜初涼

次韻友竹弟南明山

秋深櫟葉滿空山
飯罷僧袍掛石闌
洗盡十年塵土夢
天風吹瀑落雲寒

晚渡

離離野樹綠生烟灼灼山花爛欲然
酤酒人歸春渡寂
柳根閒繫夕陽船

九日山行

玉削雲邊紫石岡天風吹瀑下雲莊
行行攜客尋詩去
濃把茶煎當菊觴

桃源圖

蒼茫烟水隔塵凡源上霞蒸曲曲山
一自漁郎歸去後
武陵春色滿人間

送貍奴無言師

香積清齋禪老家地無餘鼠
浣塵沙貍奴不用慚尸素
清夜蒲團伴結伽

次韻晚眺

翠潤侵衣竹滿闌雨餘爽氣挹西山
一聲孤鶴歸何晚
帶得閒雲作伴還

邨居

疎竹人家短牆綠陰深處水村涼
山風吹斷巖前雨

高樹蟬聲正夕陽

曉行

依稀林影弄晨光
滿袖東風野興長
沙岸雪消春澗暖
一灣流水落梅香

九日

霜螯新斫茱橙香
風物繁華感異鄉
剝買黃花簪帽額
市樓呼酒作重陽

除夕長河客舟

爆竹聲中歲又闌
畫船列燭照波寒
清樽今夕同誰飲
自買梅花對燭看

夜投山寺

深蘿一徑曲通幽
空翠霏霏擁殿浮
桂冷松香僧睡去
月明閒却一庭秋

白石菴

地幽山氣靄空嵐
落葉蕭蕭白石菴
歸鷗一聲無覓處
松梢擎日影參參

和友人韻

北觀天光雨露低
芒寒閣道應文奎
高秋木落關河濶
萬里風雲壯馬蹄

后土祠瓊花

東風何處擅濃華
只有揚州第一花
天上羣仙膚似雪
綠雲深擁七香車

清真道院

空翠霏霏靄洞天
蹋雲來訪洞中仙
滿襟詩思清如水

金剛經
卷十
寫盡松花一硯烟

晚棹

白水青林蕩晚晴
野禽樹底向人鳴
乘風十幅蒲帆飽
快試淮南第一程

即事

晨墟跣婦鬻魚鰕
兩岸髻童牧艾猓
賦斂輸官農事足
太平氣象屬淮沙

雨後

鳴鳩村暗曉寒天白水交流亂野田落盡殘紅春不管
一川風雨閣榆烟

次韻馮仲遠

長河柳暗春波碧青帘搖曳厨烟寂客舟無處醉梨花
自買豚魚作寒食

劉伶墳

在淮安州

荷鍾相隨死便埋平生六合等浮埃千年一醉不知曉
誰向蒼苔酹一杯

偶題

東風吹綠遍天涯
陌上晴烟漾柳花
鶴髮老人茅店下
一樽相對話桑麻

邳州

百戰殘城古下邳
白門樓下草淒淒
古來多少英雄恨
落月城頭烏夜啼

進履橋

博浪沙頭恨未消
斃秦踐項不終朝
漢家四百年宗社

開闢洪基在此橋

沛縣

天連荒艸入青原古縣殘橋擁一廛
千載芒碭銷王氣斜陽孤水落寒烟

道傍即事

閒馬嘶雲牧遠蕪高原下隰盡耕鋤
太平里巷都無事老卒支頤聽讀書

武城縣



牛刀小試恢恢手庭訟都無犴獄空直把弦歌為縣譜
寥寥千載接清風

凌州

縈紆河水走長虬汨汨黃泥逐浪浮揉斷槽聲驚睡熟
一舟衝雨下凌州

端午

河上人家插艾蒿紛紛吹黍薦香醪客懷寥落真無那
暮雨孤舟讀楚騷

客枕

落葉蕭蕭擁石闌
轆轤聲斷井花乾
夜深天濶霜風緊
鴈落滄江月正寒

歐陽學士過訪

玉堂仙忽枉華鑣
客舍如何採澗毛
袖有建溪春一掬
萊山石鼎煮銀濤

曉秋

浦溆明寒透橘洲
鴈風吹老一天秋
漁翁醉卧蘆花底

流水晚烟閒釣舟

值雨憇僧舍

畫篆螢行香半殘
隔闌翠柳拂疎烟
勿論塵土東華客
著我僧羶聽雨眠

次韻瓜洲渡

江花江水兩悠悠
萬事匆匆付白頭
又向瓜州買樽酒
一篷烟雨話揚州

潘易齋寫水墨梅

胸中一卷畫前易筆底萬斛江南春
莫向水紈寫孤潔
從他水月自傳神

水天一碧亭

吟鬢蕭蕭風雪客
黃河太華曾親識
振衣舒嘯巍然亭
目盡江淮天一碧

吳秋山寫江淮秋意

江天漠漠秋無際
數點淮山冷屏翠
閒拈枯筆灑松腴
半幅生綃千里意

北山詩集卷十

跋

枯蒼周此山詩若干首故翰林侍讀學士袁公伯長謂其意度閒遠議論雄深今翰林直學士歐陽君原功則謂其無險勁之辭而有深長之味無輕靡之習而有春容之風江浙提舉陳君衆仲又謂其簡淡和平語多奇雋三君子之言皆信於世則君之詩信可以傳矣余友翰林修撰宋顯夫哀集中統至元以來之詩特選其精者手自繕寫已踰數千篇而猶采摭未已期他日錄梓

以傳余欲求此山此集示之而衆仲之官餘杭攜其詩
稿與俱往周君亦將歸枯蒼矣則顯夫之所集者猶有
滄海遺珠之一恨也周君其肯錄以寄余乎翰林待制
中順大夫兼國史院編修官謝端跋

跋

余近從國子先生陳君衆仲讀所作周君衡之詩集叙
恨未見其詩與其人後月餘衡之并攜故袁文靖公伯
長今歐陽翰林原功所為叙見余樂道里且以詩見貽
適余在公未還及讀三家所為叙及其詩益恨不及見
其集與其人然以三家所稱雖不及見而其人之賢其
集之可傳可見矣夫詩道之在天下其正如日月星辰
山川草木鳥獸其變如風雲雷電龍騰虎躑豈難知哉

在盡其常通其變而已惜不得與衡之共論之元統二
年九月二十日揭傒斯書

